

ditur, flagellatur &c. impassibile esse, præter Revium nemo, quod sciam, deliravit.

EXERCITATIO X C.

Tres loquendi gradus cum tribus sentiendi gradibus conferuntur.

1. **Q**uemadmodum ad perfectam sensationem: ita ad perfectam locutionem humanam corpus & anima requiruntur, & in utraque functione tum organi corporei motus, tum cogitatio mentis includitur, ita ut ex natura sua ambæ inter se comparari possint satis commodè.

2. Præterea præcipuorum sensuum (visus & auditus) operationes ad loquendi actum ordinem habent, cum loqui (viva voce) & audire correlata sint, sicuti etiam scribere seu scripto loqui & legere oculis seu videre quid scriptum.

3. Et quemadmodum in sentiendo tres gradus distinguuntur: motus organi corporei, perceptio mentis, determinatio voluntatis ad judicandum: ita in loquendo primus gradus est mentis perceptio, secundus judicium & voluntas significandi id alteri quod percepisti, tertius motus organi corporei,